



3475

III. Mag. St. Dr. P


Fagell.

Ord.

1698 22 Martii.

Poena 2942.

Gotejovius Standstai: Pleias laureata in virtute
et honore VII. V. D. D. prima laureans
Candidatorum refulgens.




56
P L E I A S
L A U R E A T A

In Virtute & honore
VII. VV. DD. Primæ Laureæ Candidatorum
R E F U L G E N S.

Et dum
In Alma Vniversitate Studij Generalis Cracoviensis,
P E R

Excellentissimum, ac Doctissimum Dominum

D. M. IOANNEM
G R Y M E C K I,

Philosophiæ Doctorem & Professore, 
Collegam Minorem,

In Nobilissima Illustrium Hospitum Corona,

ARTIVM & PHILOSOPHIÆ BACCALAVREI,
Ritu Solenni

RENVNTIARENTVR:

Amoris & gratulationis ergo,

STANISLAO G O L E I O W I C Z,
A
Ejusdem Laureæ Candidato,

P R Æ S E N T A T A.

Anno Salutis 1698. Die 22. Martij.

Typis Francisci Cezary, S. R. M. Illustrissimi ac Reverendissimi Dñi
Episcopi Cracoviensis Ducis Severiæ, necnon Scholarum Novo-
duorscianarum Typographi.



Plejades incipient humeros relevare Paternos
Quæ septem dici, sex tamen esse solent.

Ovidius 4. Fastorum.

Altera se ostendit redivivo Plejas honore
Et nitidum obscuro protulit axe jubar
Quod neq; barbaries, nec sævi nubila sæcli
Temporis aut valeat comminuisse furor.

Quidam.





PERILLUSTRI & ADMODVM REVERENDO DOMINO,

D. LVDOVICO
SIGISMUNDO
WALKOWIC,
DECANO KIELCENSI, CVRATO
OPATOVECENSI.

Publico Sacrà Authoritate Apostolicâ & A&torum
Curiae Episcopalis Cracovien: Notario.

Domino ac Mecænati Colendissimo.



DE LEJADEM rudi adhuc carmine Caelitùs evocatam
Tibi laureatam fisto, ut extorrem sine lare, in gra-
tiarum sinum accipias; Perillustri & Admodum
Reverende Domine. Evocari verò illam ex Au-
la Syderea in terram posse, non est paradoxum:
siquidem;

Carmina vel Cælo possunt deducere lunam.

Tantus verò est Nominis Tui & Virtutis splendor, ut illi famulari,
ipsæ etiam Stellæ obsequij gloriam ducant; cujus purum illi-
memq; eruditi & cultissimi pectoris candorem, TRZEBIC-
ANUS quondam Olor velut suum dilexit: hodie Augustior
A2 Celsissimi

Cellissimi Principis Illustrissimi & Reverendissimi Domini IO-
ANNIS MALACHOWSKI Episcopi Cracoviensis, Ducis
Severiae Fascia, vulnerum languentis Patriae, dulce & saluta-
re vinculum, gemmeis gratiarum Principalium compedibus
arctius stringit. Quidni mirum sit, in venerationem Tui No-
minis Sydera descendisse desuper! si magnum Caelitum decus
Astraea, quæ olim terras fugisse narratur; in Tuum Divini
humaniq; juris intelligentem animum è Cælo rediisse videtur, in
quo Oracula Divæ Themidis & responsa quàm spirat tam lo-
quitur. Tanta est sapientiæ Tuæ & eruditionis celsitudo,
ut si Musæ etiam suas sedes in firmamento haberent, Tuæ hu-
manissimæ mentis genium invisere, non renuerent sed optarent:
apud quem libentius ipse literatorum Deus Apollo hospitari,
quam apud Admetum vellet. Quapropter tanta dulcedine
percussus, illam Phæbea lauro redimitam **PLEJADEM**
Tuæ beneficentiæ venerabundus præsentò, pro qua gemmeos
abundè Ipse fudisti sudores, eaq; conspicuus ac venerandus, multa
aigna Phæbo exegisti, ære perenniora monumenta. Vergiliæ
sunt, tempora veris, id est annorum & honorum longum sine
nube serenum, Tibi Amplissimo Patrono nuntiant, Tu tantum
pande protectionis Tuæ sinum aduenientibus, meq; quo cæpisti
favore & patrocínio prosequere. qui sum

Vestræ Perillust. & Adm: Rndæ Dominationis.

Humillimus Cliens.

STANISLAUS GOLEIOWIC,
Primæ Laureæ Candidatus.

D. IOANNI CANTIO,

Regni Poloniae

PATRONO,

Cæli Academici Athlanti Maximo,

Plejadis Laureatæ Patri

ET PATRIARCHÆ.

CARMEN VOTIVVM.

QValis Athlantiadum lampas septena sororum
Nubibus in densis, etiam inter fulgura, nimbos
Erigitur. Talis pulchro se lumine promit,
Rebus in afflictis, & cæca nocte malorum,
PLEIAS vere novo Lauros habitura virentes.
Tu modò Sancte Pater, præclarum lumen Olympi,
Quo lucente redit splendor Lucis Academi,
Altiùs & surgit palmis, sua laurea Phæbo,
Rite fave captis, noster nove Cælifer ATHLAS.
Desinet insurgens fluctu nimbosus Orion
Insultare novis, quæ Tu benedixeris astris.
PLEIADES incipient æterno vere rubentes
Flores, ingenij partus formare decòros,
Per juga Parnassi; geminos tollentia colles
In Cælum; qua parte micant Tua sydera CANTI;
Aurea dona Dei, nostris mittentia Musis.
Inde fluunt Aganippæis potiora fluentis
Flumina, vernantes circum fundentia lauros,
Palmas atque Rosas, florentibus apta Coronis
Ornamenta; furens quæ nunquam decutit Auster.
Hoc permitte decus, nostrum benè vota coronet,
Maxima Doctorum, quoniam Tu & prima Corona.

Clarissimis & Excellentissimis Dominis,
DD. EXAMINATORIBVS,

Clarissimo & Admodum Reverendo Domino.
D. M. GASPARO BENEDICTO
KAWALCZEWSKI,
Philosophiæ Doctori, Collegæ Majori, Regio
Professori, S. Annæ & SS. Omnium Canonico, ac inte-
rea Philosophicæ Facultatis

D E C A N O.

Clarissimo & Admodum Reverendo Domino.
D. M. MARTINO
BIELECKI,
Philosophiæ Doctori, Collegæ Majori, Regio Pro-
fessori, S. Annæ, SS. Omnium, & Tarnoviensi Canonico.

Clarissimo & Excellentissimo Domino,
D. M. JOANNI GRYPECKI,
Philosophiæ Doctori, Collegæ Minori.

*In argumentum debitæ gratitudinis & Observantiæ, Eruditæ Minervæ
septenario numero à Pitagoreis designatæ speculum Crystallinum, cujus
adminiculo Perseus Gorgones decolavit.*

CUM LEMMATE,
Ter quaterq; beati vivite.

*Si quid jocosæ carminis entheo,
Et blandientis pectine barbiti,
Inter Camenarum nitores
Sacra valet tua Phebe dextra
Si quid recurvo pollice dignius,
Fundis sereno Pieridum choro;
Murmur sonantis dum reclamatione
Castalij per aperta fontis.*

Nunc

Nunc tende nervos, & modulamina
 Modis adapta non popularibus
 Dum ternio pulcher virorum
 Non modico celebranda cultu
 Trophæa laudum pulchritus ingerit.
 Virtutis ampla fulgor & aureum
 Ostentat, excelsamque mentem.
 Dat tenui resonare buxo.
 O qui in serena lumine purpure,
 Magni Sophorum nomina Principis
 Aequas: KAWALCZEWSKI sonoro
 Quam resonat Tua facta plectra
 Murex rubenti quem geris in Toga,
 Labore non est Sydonie manûs
 Tinctus, sed hanc frontis cruenco
 Diluvio decoravit imber.
 Prò quanta vidi prelia, jurgijs
 Immixta doctis: dum Stagyriticos
 Inter tumultus, & duella,
 Doctiloquo Tuus ardor ore
 Magni referret munera Principis.
 Abstrusa veri lumina protinus
 Fulgere detectaque nube
 Largiflua micuere luce
 Sed quid disertis spiritus eloquij
 Valeret in Te, vidit amenius
 Sacris in Exedris stupenda
 Arte Tue populus loquelæ.
 In Te Senatus nunc Iageloni
 Vidit capacis munera pectoris,
 Curis habenas dum trecentis
 Ultrò Tibi dederit regendas.
 Te quem serenæ fama jugalibus
 Latè meanti portat in essedo,
 Quæ metra BIELECKI valebunt,
 Composito celebrare plausu?

Tibi superno pervigil è tholo
 Minerva doctis divitiis caput
 Implevit, & pectus decorum
 Non solito cumulans paratu
 Formavit apto pollice Gratia,
 Huc Tulliani flumina nectaris
 Infudit & lingue decorem
 Castalio prius amne lavit.
 Tu dum sonoro depluis alveo
 Victor Cathedris, ipse Aganippides
 Siccata Parnassi fluenta
 Atq; suum perijsse fontem
 Mirantur: aut cum remigio Tue
 Penna Lecheos tendis in ambitus
 Aut inter iras eruditas
 Egregios ruis in calores.
 Nec Te GRYPECKI laudis adorea
 Minor, trophæis condecorat suis,
 Virtutis exemplar probata
 Quam meruit probitasq; vite.
 In Te refulget uis sapientia
 Multùm Cleanthæis lucida noctibus,
 Pulchroque resplendent honesto
 Non humilis bona celsa mentis.
 Seu bella doctis concita litibus
 Inter Sophorum conseris agmina
 Gratum loquendi seu leporem &
 Dulciloquum ruis ore, nectar
 Ubique victor. Te lagelonis
 Honoris ampli, Regna scientie
 Spectant, coronandum decore
 Fama suis vehet in quadrigis.
 Ergo in corusco, jam speculi vitro,
 Perseus trophæis quod decorat suis,
 Virtutis excelsa nitores
 Nunc videat bene quisq; Vestra.

Vestro

*Vestro serenis sæcula curribus
Litent honori, Nominis inclyti.
Rectorq; Celorum benignus
Det rutilos sine nube solas.*

P L E J A S
L A U R E A T A,

Singulorum Planetarum Animas, viresq; Di-
vinas ex Commentarijs Procli,

D E S I G N A N S.

I. V. D. PAVLO CYBVLSKI.

*CELÆNO, quam Proclus Saturni Animam dixit, prudentis
eloquij, & Philosophici studij Symbolum esto.*

C U M L E M M A T E:

Pulcher ex utroq; triumphus.

A Vrea Saturni messis, palmaeq; decoræ;
Prudens eloquium signant & docta Stagyrae
Argumenta Tuæ; quæ Te Divina CELÆNO
CYBVLSKI decorat primum, mentemq; capacem
Amborum censens; pulchros utroq; triumphos
Sponder. namq; Tibi rident vis aurea Tullî,
Atq; Sophûm pugnae, signisq; minantia signa.
I bone, quò Tua Te Virtus vocat, indole felix,
Et præstans animi: qualem Tibi finxit Apollo.
Et melior Natura dedit. natalibus orto
Præclaris, præstò monumenta favoris
Sunt magni; verùm præstat, virtute triumphes.

II. V. D. SIMONI ŁACKI.

*STEROPE, Sphaerae Iovis anima, entheum Poëseos vigorem, & arcana
Philosophantium reserat.*

C U M L E M M A T E:

Dextro Iovis fidere felix.

Quis Pierios pectore vivida
Exambit latices, nobile mentibus
Oestrum nobilibus: quas amat & magè
Dexter Iuppiter entheat.

Cyrrha musta bibat sub Iove prospero
Natus, quem STEROPÉ conciliat Tibi,
LACKI, laurigero munere fortior
Fundes Pegásium melos.

Felix ingenio, si modo junxeris
Prudens iudicium dotibus inclytis;
Majores referes ex Cathedris Sophum
Phæbo iudice laureas.

IV. V. D. P E T R O K E M P S K I.

ELECTRA Solis, nobiles ex victrici eloquio Palmas, claritati
generis adiungit,

C V M L E M M A T E.

Nobiliore vena finxit præcordia Titan.

Sydera clara Polo fulgent errantia septem,
Inter, Sol medius, cætera luce regit.
Sol Princeps Astris, in quo Tua Numina Phæbe
Musarum Præses pectora docta colunt,
Vivum pande sonum, KEMPSKI, quem sistit amor
Diva ELECTRA Tuo; lumina Vestrâ petens:
Vt medius medium claris natalibus ortum
Lumine facundo, Clariùs ipse bees.
Corde hæsit toto dicendi gratia vivax,
Atq; Demostheneco victor in ore lepos.
Maeste animo, KEMPSKI, roseo facundus in ore,
Iam innumeras palmas eloquio numeras.

V. V. D. C H R I S T O P H O R O M I C H A Ł O W S K I.

ALCIONE. Auroram Musis amicam, in dolis omnium bonarum
Artium capaxis inditum exhibet.

C V M L E M M A T E.

Hac duce Musarum luce claresces.

Æterna

Aterna magni gloria Nominis
 Extollet illum, cui facies nitet
 Fulgentis auroræ serena
 Restituit nitidosque soles.
 Aurora docti sic Tibi prodroma
 Honoris ortus pandit, & atria.
 Quæ propter æternum virentes,
 Dalius ipse parat coronas.
 Ergo, MICHAŁOWSKI, ALCIONE Tibi
 Rubente pulchros ore feret dies,
 Hac luce claresces Lycao,
 Thespiadum decus & corona.

VI. V. D. VALENTINO PILSKI

TAYGETE, Luna vim beneficam, virtute nixam cum fandæ
 copia præsentat.

C V M L E M M A T E.

Solidæ virtutis non imagine Lunæ.

Nescit sola vices condita gloria
 Virtutis merito, sydere pulchrior.
 Quod nocti radiat lumine non suo.
 Fortunæ radij cornua lucida
 Lunæ: sic variant? & tamen heu dolor!
 Ut Titan feriunt ardua mentium.
 Taygete vicibus sat bene Cynthiæ
 Virtus adstruitur; Mater ut audiat
 Influxu renovans, quæ pereunt vice.
 Hæc Te Diva potens crescere maximis
 Præstet muneribus, quæ sapientia,
 O PILSKI, solidis ornat honoribus:
 Vis præclara Tuæ dosq; scientiæ
 Virtute eloquij præmia proferet.

VII. V. D. SIMONI OLCHAWSKI

Merope, Martis facultas, Masculum & pugnax dicendi,
 vincendiq; genus promittit.

C V M L E M M A T E.

Fortisq; viri feret arma disertus.

Bella procul Martis, sævi monumenta laboris!
 Sanguine nam Vestri constant & cæde triumphæ,
 Triste sonant! multisq; mori succurrit in armis,
 Mitior est pugnae facies pro Palladis arce,
 Victores victiq; sua de sorte triumphant,
 Cædes nulla viris: melioribus pulchra trophæa,
 Vir sapiens fandi q; potens, ad Pergama Troia
 Plus valet, ut Nestor quamuis non præstet Achillem
 Ingentem bello, præstat sed consilij vi,
 Non Ajax tulit arma Patris, sed victor Vlysses
 Eloquentio. **MEROPE** concedens hanc tibi palmam,
OLCHAWSKI, palmare decus virtutis & artis
 Ostendit, quæ dona feres præclara disertus.

III. V.D. STANISLAO GOLEIOWICZ.

Authori Operis.

MAIA, Mercurij, ad omnia Musarum munera, promptum paratumq;
 ingenium cum præcipua eloquij gloria donat.

C V M L E M M A T E.

Vivum spirant præcordia Phæbum.

Applaudente mutui affectus & gratulationis ergo,

P E T R O K E M P S K I,

Ejusdem Laureæ Candidato.

Descende Cælo, fac age mentium
 Serena Syren, dulceq; vinculum,
 Facunde Majæ nate, Divum
 Fata vicesq; gerens diserto
 Lepore fandi, dulcibus alveis
 Effunde nectar, totaq; vis Tua
 Exundet in pectus decorum,
 Ore potens, Cytharâq; Phæbi.
 Descendat, & Te Sydereas plagas
 Linquente linquat Melpomene, Charis,
 Omnisq; concentus Dearum
 Concelebrent geniumq; vatis.

Nostri

Nostri vovent sic GOLEIOWICZ Tibi
Vates, Corymbis digne perennibus
Plausus sonori, plausuum quos
Dulcisona Chelij prouocasti.



SVB FELICISSIMIS AVSPICIIS,
Magnifici, Perillustri & Admodum Rndi Dni,
D. M. CHRISTOPHORI
S O W I N S K I,
Sacrae Theologiae Doctoris & Professoris,
Collegae Majoris, Ecclesiarum Collegiatarum, SS. Omnium
Praepositi, ad S. Florianum Decani, Cancellarij Posnaniensis,
Custodis Pilecensis, Curati Prosovicensis, S. R. M. Secre-
tarij, Contubernij Philosophorum Provisoris,
Studij Almae Vniuersitatis Cracoviensis,
GENERALIS, ac VIGILANTISSIMI
R E C T O R I S.

Nostri voverit sic GORELOWICZ Tibi
 Vires Corvampis digne perennibus
 Plantas sonori, plantam quos
 Dulcisona Chelli provocasti.



SVB FELICISSIMIS AUSPICIIS

Magister Petrus & Abraham Fidei Dei

D. M. CHRISTOPHORI
S O W I N S K I

Sacre Theologiae Doctoris & Professoris
 Collegii Rationis, Ecclesiarum Collegiarum, SS. Omnium
 Patrum, ad S. Romanum Imperium, Cancellarii Polonensis,
 Cancellarii Theologiae, Cancellarii Theologiae, S. R. M. Sacer.
 Cancellarii Philosophiae, Cancellarii
 Cancellarii Universitatis Cracoviensis
 Cancellarii ac VIGILANTISSIMI
 R E C T O R I S

7. xii. 17.



